

SCRIPT OF MORNING GOJRI NEWS BULLETIN 1 AUG 1015 HRS

مارننگ گو جری نیوز بلیٹن مورخہ 1 اگست 2025

یوہ آکا شوانی جموں بے محمد اکرم تیں خبر سُنو۔

LG SPORTS

لیفٹیننٹ گورنر منوج سنہا نے کہیو کہ جموں کشمیر مانہ کھیڈ امن قائم کرن تے اتحاد نانہ فروغ دین تے نوجوانان مانہ بھائی چارہ نانہ فروغ دین واسطے ایک طاقتور قوت گا طور ور باندے آیا ہیں لیفٹیننٹ گورنر نے اس گل گو اظہار سرینگر مانہ کشمیر سوپر لیگ 2025 گا قوانین 2 مانہ شراکت گے دوران کئی کھیڈان نانہ اتحاد تے نوجوانان نانہ بالاختیار بنان گی علاقہ قرار دیتا وان لیفٹیننٹ گورنر نے اس ٹورنامینٹ نانہ جموں کشمیر گی کھیڈان گی تاریخ مانہ سنگ میل قرار دتو اُنہاں نے جموں کشمیر گا کھیڈان بارے کونسل تے لیگ سپانسر گی تعریف کرتا وان کھیڈاریاں ملازماں تے حوصلہ افزائی کرن آلا ٹیم نال وی گل بات کی۔

CM GUJARAT

سیاحت ت تجارتی تعلقات نانہ فروغ دین واسطے ایک بڑی کوشش مانہ وزیر اعلیٰ عمر عبداللہ نے گجرات مانہ ٹریول کمیونٹی غے نال ایک اعلیٰ قسم روڑ شوت گل بات سیشن گو افتتاح کیو اس تقریب نے سیاحت تجارت ت کاروباری جدت طرازی مانہ شراکت داری نانہ فروغ دین واسطے گجرت تے جموں کشمیر گا شراکت داران نانہ اکٹھا کیو وزیر اعلیٰ نے گجراتی سرمایہ کاران نانہ سرمایہ کاری واسطے سازگار ماحول گی یقین دہانی کراتاں وان جموں کشمیر گا وسیع مواقع تلاش کرن گی دعوت دتی گجرات گا دورہ غے دوران وزیر اعلیٰ عمر عبداللہ نے اتحاد گا مجسمہ گو وی دور و لایو تے سردار ولہبہ بھائی پٹیل نانہ خراج عقیدت پیش کیو اس دوران وزیر اعظم نریندر مودی نے وزیر اعلیٰ عمر عبداللہ نانہ گجرات گا دورہ تیں لٹ اندوز ہون ور خوشی گو اظہار کیو تے کہیو ک اُن گا اتحاد گا مجسمہ گو دورو دوجا بھارتیاں گی وی ملک گا بکھ بکھ حصاں مانہ سفر کرن واسطے حوصلہ افزائی کرے گو۔

DY CM CONDOLENCES

نائب وزیر اعلیٰ سریندر چودھری نے کل ضلو ادھمپور گا بلاک کھوڑی گو دورو کیو تانجے سناسر گے نیڑے جلیبی موڑ ور ایک المناک واقع مانہ اپنی جان گوان آلا دو سرکاری اسکول اساتزاں گا غمزدہ خاندان نال ملاقات کی جاسکے متوفی جگ دیو سنگھ تے سنجے کمار دئے کھوڑی گا رہن آلا تھا تے مقامی پرائمری سکولان مانہ اپنی خدمات انجام دے رہیا تھا نائب وزیر اعلیٰ نے دلی تعزیت گو اظہار کیو تے سوگوار خاندان نانہ یقین دوايو کہ حکومت اس مشکل گے ویلے اُن نانہ ہر ممکن تعاون تے امداد فراہم کرے گی۔

CS NCORD

چیف سیکرٹری اٹل ڈلو نے جموں کشمیر مانہ منشیات گی تجارت تے منشیات گا استعمال گے خلاف کوششاں گو جانیزو لین واسطے یو ٹی سطح گی 14 ویں ان کارڈ میٹنگ گی

صدارت کی انہاں نے این ڈی پی ایس مانہہ بروقت تے معیاری تحقیقات ور زور دتو ت
 ماہانہ پیش روفت رپوٹس کی ہدایت کی میٹنگ مانہہ اس سال 1 ہزار تیں زیادہ این ڈی پی
 ایس معاملات نانہہ آجاگر کیو کیو جن مانہہ 1 ہزار 4 سو 16 گرشاری تے اہم منشیات ضبط کی
 گئی ہیں حکومت منشیات توں بچاؤ کی سہولیات نانہہ ہدا رہی ہے تے نال نال پولیس کی
 تربیت وروی زور دے رہی ہے منشیات گا کاروبار ور کڑی نگرانی ت نویں تکنیکی
 مداخلتاں کی منصوبہ بندی گے نال چیف سیکرٹری نے زیرو ٹالرنس گا موقف نانہہ
 دوہرایو تے پوری یوٹی مانہہ منشیات کی لعنت نانہہ ختم کرن واسطے موبوط کاروانی ور
 زور پایو۔

BUDHA AMARNATH YATRA

روزہ شری بڈھا امرناتھ یاتری باآسانی جاری ہے جس مانہہ 1 ہزار 3 سو 52 یاتریاں کی 13
 ایک ہور جٹھو جس مانہہ 892 مرد 434 کالسری تے 26 بچہ شامل ہیں سویرے 6 بج گے 14 منٹ
 ور بھگوتی نگر بنیادی کیمپ تیں 27 گڈیاں گا قافلہ مانہہ منڈی پونچھ واسطے ہوا ہیں
 اس دوران جموں تیں امرناتھ یاترا واسطے روانہ ہوا ہیں اس دوران جموں تیں امرناتھ یاترا
 واسطے آج کوئی نوو جٹھو روانہ نہیں ہووے امرناتھ یاترہ کل بالٹال مانہہ محدود
 وقفہ گے بعد دوبارہ شروع ہوئی یہ دیکھ بھال گا کم غی وجہ توں پہلگام سڑک ور معطل
 رہی قابل ذکر ہے جے امرناتھ یاترہ اس سال 4 لکھ یاتریاں کی تعداد توں آگے بدھ گئی ہے۔

HAJ DEADLINE EXTENDED

حج کمیٹی اف انڈیا نے حج 2026 واسطے حج درخواست فارم جمع کرن غی آخری
 تاریخ مانہہ 7 اگست 2025 توڑی توسیع کی ہے اس سلسلہ مانہہ اہل درخواست دہنگان کو لے
 7 اگست 2025 ناہہ اس تیں پہلاں جاری کردہ مشین نال پڑھا جان گے قابل بھارتی
 پاسپورٹ ہونو چاہیے جہیزو کہٹ توں کہٹ 31 دسمبر 2026 توڑی درست وے حج کرن گا
 خواہش مند افراد گوگل پلے سٹور ور حج کمیٹی کی سرکاری ویب سائینٹ یا حج سوویدا
 ایپ ور آن لائن اندراج کرسکیں درخواست دہنگان ناہہ مشورو دتو جے کہ وے درخواست
 فارم پرن توں پہلاں حج پالسی تے کمیٹی گیویب سائینٹ ور دستیاب رہنما خطوط نانہہ
 دھیان نال پڑھ لیں۔

DC JAMMU AIRPORTS

ہوائی جہاز کی حفاظت نانہہ یقینی بنان واسطے جموں گا ضلع مجسٹریٹ سچن کمار
 ویشیا نے بی این ایس ایس کی دفعہ 163 گے تحت جموں ہوائی اڈہ گا ایک کلو میٹر گا
 دائرہ مانہہ کوڑا کرکٹ بھیکن ور پابندی عائد کردتی ہے یوہ قدم ضایہ شدہ خوارک کی
 وجہ نال پرنداں گا اُت جمع ہون جس نال ہوا بازی نانہہ خطرات لاحق ویں گے مد نظر
 چایو گیو ہے اس قدم نال بیلی چرانہ ستواری میرا صاہب تے بالیاں منڈال گا علاقہ متاثر
 ہوا ہیں شہری اداراں نانہہ کوڑا گا ڈھیراں نانہہ ہٹان اشارہ لان تے گھر گھر توں کوڑا
 ناہہ اکٹھو کرن نانہہ یقینی بنان گو حکم دتو گیو ہے تے اس حکم کی خلاف ورزی کرن
 آلاں غے خلاف سخت کاروانی عمل مانہہ لائی جے گی۔
